

“情咏乌溪江”诗词作品

●破石村感吟

印月

霹雳掌中圆石开,混蒙犹自两精来。
朱乌双玉暗藏道,飞印从兹入碧台。

注:传破石村原名圆石村,后有“霹雳大仙”破圆石得开水路。破石笔架山与另一座山之间,有一深一浅两个相连的池塘,池水一红一黑,笔架山为印,砚池即为印台。破石村文脉源远流长,史载有75位七品以上官员,贡士35位,举人15个,进士7个。

●七绝 乌溪夕下即景

江郎书院

一江粉彩一浮槎,遥望西峰夕影斜。
逐日漂流尘外客,催舟掳取水巾霞。

●霜花映·情咏乌溪江

曲涧松

碧痕洗日,问远山,何人荡尽浮尘。波净天青,玉螺星散,秋来万绪纍纍。共襄菊樽。爱涧声,遥胜霜筠。忆儿时,戏水趋林,牧云耕雨帝乡巡。
墟落晚烟初上,渐丛簑墨染,鬓透斜曛。鲜味珍馐,新醪倾注,无端舞兴攀身。月勾汉津。欲引舟,天水轻匀。更逍遥,看取灯笼,演迤盘古村。

●冬月初八午后独走乌溪江

陶岚

乌溪浅水寒,白日野花残。
石径行无窄,山人人有宽。
身倾鱼耍乐,口哨鸟惊欢。
王质烂柯下,太公抛几竿。

●临江仙·咏乌溪江

童康祥

谁取湖光涸水墨,云闲风碧林幽。鳞波初照挽鱼舟。晓溪腾逸气,山色洗尘眸。 笔架凌云今古梦,廊桥萦漫乡愁。坝横高壑展鸿猷。深源滋太木,一脉润千畴。

●破石村景

陈诗武

青山叠翠古村幽,碧水浮蓝居户稠。
石破惊天名迹显,耕读传世韵长流。

●水调歌头 东溪兴怀

李加呈

一脉崇山出,两库远烟连。清涟如许,孰知川谷自双源。入画青峰起伏,盘岸红芳左右,渔舸竞流湍。我欲碧波乘,击楫拨心弦。
洲栖鹭,霞散彩,镜飞鸳。眼中镜像,鳞浪湖上漾忻欢。但教词家诗客,徒有新腔旧拍,无法道天然。村落江边媚,百变水云间。
注:1、依毛滂“九金增宋重”例。2、东溪即乌溪江3、双源指洋溪源和周公源4、两库:黄坛口水库和湖南镇水库,即九龙湖和仙霞湖。

●魅力小湖南

余荣喜

古镇东边半月湾,游人到得不思还。
廊桥细说百年事,破石重描今日颜。
坝已改移南北水,湖能滋润万千山。
采风路上无船只,醉驾诗舟笔楫澜。

注:湖指仙霞湖

●乌溪江颂

蒋开宜

岚雾浓云锁黛林,轻舟逐浪戏鱼鳃。
崇山腰系银丝带,幽谷胸怀碧玉湖。
绿水西流滋圣地,清波东引润金衢。
马良研就乌溪墨,神画乡村七彩图。

注:绿水西流、清波东引,是指乌溪江西干预乌引东干渠,马良是神话传说中的神笔马良。

●醉美乌溪江

颜正发

一重高坝出平湖,九曲澄波映月孤。
晓雾凉风排筏渡,古樟荻影野禽凫。
景乡似画醉骚客,青岭如屏隔闹区。
赖有此方神秀地,清溪荡漾润金衢。

●破石竹海

朱先本

荫天一角绿云稠,原是青筠笼岭头。
翠影层层腾碧浪,清音簌簌奏空篴。
枝繁叶茂阴长在,土厚笋荣旺不休。
丰沃金山常献宝,助农共富振田畴。

●水调歌头·小湖南

叶昌华

起舞九龙谷,留醉两湖湾。莺飞村坞灵秀,峰岭卷花鬟。如近蜃楼晓景,随赏渔舟钓影,明暗尽悠然。溪映廊桥月,问寄古今滩。
耸高坝,旧簑笠,塑沙盘。春风煦煦,魂断雁梦隐甜酸。背井离愁乡土,垒石重圆芳苑,烽火铸光环。耕读传家久,库水绿潺潺。
注:题目小湖南,指湖南镇。借用民间习惯地名。

●游小湖南镇(新韵)

王静

观光岂为游春迹,睹胜今来阅古篇。
烟锁群峰担日月,雾笼远树隐山川。
横空翠盖千重岭,倒影红霞一片天。
赚得湖南山水后,方知世外有桃园。

注:重一山字

●初夏游九龙湖

袁敏清

松涛惊破石,白鹭弄清波。
艳羨渔翁趣,归舟逐梦歌。

●情咏乌溪江

季志根

山前峦下共生源,旭映波澄孕圣贤。
香岫问书人辈出,砚池落笔世流传。
廊桥走读百年誉,破石凤鸣今古延。
瑶殿明珠穷目力,九龙阙里紫烟绵。

●诗咏湖南镇

何放华

碧波翠绿水悠悠,烟雨丹青诗意稠。
叠石空林闻鸟啭,横江巨坝看鱼洄。
清风小洞清风醉,古韵长廊古韵幽。
且把湖南当九寨,人文地貌各千秋。

●访破石古村

黄维

炊烟袅袅泛晨光,岁月留痕深巷藏。
黛瓦青砖存古韵,飞檐翘角透沧桑。
砚池水洗旧文墨,笔架山添新乐章。
盛世年华今又是,文昌祥瑞梦轻扬。

注:破石村位于湖南镇东乌溪江畔,有800余年的历史。村内有多处明清古建筑,其中文昌阁是破石人读书的场所。笔架山、砚池、牡丹台、双蝶峰构成了“破石四景”,被载入《衢县志》。

●古镇寄韵

何史爱

踏春消夏散清愁,信步湖南情自悠。
古镇由来多胜迹,故园无处不风流。
牡丹亭上岚烟翠,笔架山前翰墨稠。
谁谱嘉华共觞咏?百年筑梦劲方遒。

●破石有吟

徐建新

乌溪侧畔古村悠,耕读传承意蕴稠。
破石如常心荡漾,向云许我载春秋。
青山翠拥桃源境,绿水涓涓蓬岛柔。
且赏今朝佳景盛,笔锋流彩阁寒留。

●赞乌溪江

杜来泉

曾忆东溪水乱衢,今依叠嶂出平湖。
泛舟迎笑往来客,发电照明昏暗途。
蓄库迁移愁故土,回乡未忘展宏图。
犹围湿地顺民意,古色新湾几醒苏。
注:东溪,乌溪江别称

●乌溪江采风有感

章光贵

节理石山奇峻险,乌溪江水舞翩跹。
华东高坝有能耐,巨电清泉送世间。

●甲辰初夏游小湖南镇

徐青松

倚杖乌溪到岭头,一江百转润衢州。
浮岚樵语闻山响,高峡渔歌逐水流。
巉壁野芳从发好,深林谷鸟几声幽。
廊桥日暮湘思月,破石澄心夜泛舟。

●游仙霞湖思移民

柴丽玲

横空高坝出,湖影荡山风。
多少古村落,幽深水族宫。
烟波千顷绿,灯火万家红。
乡道茫茫处,归人不计功。

●破石之明清进士村采风有得

邱维正

天惊石破故情融,洗砚池中墨色浓。
久仰名村才俊秀,今朝更喜驾虬龙。



邵秀清 摄

乌溪江

(文学副刊)